

之火敦臘兒，清人譯作鄂登他臘。哈喇海，即潘志之阿刺腦兒，清人譯作哈勒罕。謂即今鄂楞淖爾。赤賓河，清人指呼蘭河（即宋志之忽蘭河），額德凌特淖爾諸水，皆爲元之赤賓河。宋志之九度河，潘志稱歧裂八九股水，名也孫幹倫，譯言九度之意。清人指八九股水，即海爾吉入河之處，言有八九股水入河，並非一股爲八九支也。宋志之崑崙山，潘志稱爲亦耳麻不莫刺山，其山最高，譯言騰乞里塔，即崑崙山也。山腹至頂皆雪，冬夏不消，故又云大雪山。在朶甘思之東北，清人改譯爲伊拉瑪博羅，即清人所稱之阿木奈瑪勒占木遜山，即唐人所稱之大積石山也。雖如清人之批評，止知有星宿海之河源，而不知星宿海以上始發之河源。但其敘述河源之所經行，已較唐人所記，更爲詳實矣。明代勢力不及西陲，雖有一二僧侶關於河源之記載，然語不賅實，未可即據爲典要。滿清入主中夏，撫有西疆，及平準部，西北西南，悉歸版圖，乃又有第四次探河源之舉。據河源紀略卷頭語所云：

『清康熙四十三年，命侍衛拉錫等，往窮河源，但至星宿海而止。及乾隆四十七年，後命阿彌達往青海窮河源。據稱星宿海西南有一河，名阿勒坦郭勒。蒙古語，阿勒坦，即黃金、郭勒，即河也。實係黃河上源。水色黃，迴旋三百餘里，穿入星宿海，自此合流，至貴德堡，始名黃河。又阿勒坦郭勒之西，有巨石，高數十丈，名阿勒坦噶達素齊老。蒙古語，噶達素，北極星也。齊老，石也。其崖石黃赤色，壁上爲天池，池中流泉噴涌，醞爲百道，皆作金色，入阿勒坦郭勒，則真黃河之上源也。』

據此所述，是較元人所探之河源，又上溯三百餘里，而得其始源之所自出矣。清廷復令朝臣編爲河源紀略一書，詳紀其事，而以御製詩文冠於篇首，世之言青海河源者，至清人而極矣。此中國第四次探河源所得之結果也。

綜觀以上諸說，攝舉大綱，不出二類。一以河源在新疆，塔里木河爲其上源，至羅布淖爾，而潛行地下，南出積石，爲黃河。此說出於禹本紀；山海經、史記、漢書，及水經注等所述皆同，六朝以前人，悉主之。一以爲